



PETUGAS projek BEACON memeriksa peralatan yang digunakan dalam projek berkenaan.



# PENYU DAH BERTAMBAH

■ Projek BEACON dilaksana PETRONAS di Taman Negara Similajau membuat hasil

Kandau Sidi  
news@NSTP.com.my

## Bintulu

**P**rojek Pemuliharaan, Alam Sekitar dan Biodiversiti (BEACON) yang mula dilaksanakan di Taman Negara Similajau di sini, sejak empat tahun lalu, terbukti keberkesannya dalam usaha memulihara pelbagai hidupan maritim di kawasan berkenaan.

Dilaksanakan PETRONAS melalui anak syarikatnya, Malaysia LNG Sdn Bhd sebagai memenuhi tanggungjawab sosial korporatnya, inisiatif berkenaan turut berjaya meningkatkan kehadiran penyu, khususnya membabitkan spesies terancam seperti penyu hijau (*Chelonia mydas*) bertelur di pesisir pantai tanah negara itu setiap tahun.

Ia turut membabitkan usaha memepatkan tukun bebola tiruan, khususnya bagi menggalakkan pertumbuhan terumbu karang di kawasan itu, selain operasi pembersihan pantai.

pertumbuhan terumbu karang, sekali gus menjadi lubuk pembiakan pelbagai spesies hidupan laut, selain operasi pembersihan pantai.

Malah, kehadiran tukun bebola tiruan itu antara pendekatan terbaik dalam mengakang aktiviti pencerobohan nelayan asing yang dikesan sering berlaku di perairan itu dan kawasan berhampiran.

Jurucakap Malaysia LNG dalam satu kenyataan memaklumkan semua telur penyu di pantai itu tidak akan dibiarakan, sebaliknya dialih ke tempat penetasan untuk memastikan ia menetas dengan baik serta tidak menjadi habuan pemangsa.

“Dengan kehadiran penyu di taman ini (sebelum ini sukar untuk dilihat), maka kita tidak lagi perlu pergi jauh, termasuk ke Pulau Talang-Talang di Sematan hanya untuk melihat penyu di situ,” katanya.


Selain Sarawak Forestry Corporation (SFC) dan Jabatan

Hutan Sarawak (JHS), inisiatif berkenaan turut mendapat sokongan pelbagai pihak, khususnya badan bukan kerajaan (NGO) seperti Rakan Alam Semulajadi (Friends of Nature) Bintulu sememangnya dikurniakan kekayaan kepelbagaiannya sumber biodiversiti dengan alam sekitar serta keindahan taman negaranya yang sarat spesies flora dan fauna.

“Ini matlamatnya Projek BEACON diperkenalkan bagi memberi kesedaran kepada umum, khususnya generasi muda mengenai kepentingan usaha konservasi dilaksanakan dengan kerjasama semua pihak, termasuk masyarakat sendiri.

“Setiap tahun kami menghantar penyelamat untuk memantau aktiviti di terumbu karang itu serta membuat serpihan sampah laut di kawasan itu, selain memantau keadaan tukun tiruan di Terumbu Karang Patricia.

“Kami berharap beberapa tahun lagi akan dapat melihat taman batu karang berkembang di kawasan itu, sekali gus menjadikan Bintulu sebagai satu



TUKUN bebola tiruan, yang digunakan bagi menggalakkan pertumbuhan terumbu karang.

destinasi tarikan pelancong,

khususnya komuniti penyelam scuba dan pakar hidupan marin, sekali gus menjana ekonomi Bintulu,” katanya.


Sehubungan itu, katanya, lebih banyak perlu dilakukan untuk memupuk kesedaran masyarakat mengenai pemuliharaan alam sekitar dengan membawa komponen kedua untuk projek BEACON iaitu Program Pemuliharaan, Pendidikan, Promosi dan Kesedaran (CEPA).

Selain Malaysia LNG, beberapa anak syarikat PETRONAS lain, termasuk Petronas Carigali dan Asean Bintulu Fertilizer (ABF) turut terbabit dalam inisiatif itu, di samping Lembaga Kemajuan Bintulu (BDA), Jabatan Alam Sekitar (JAS) Sarawak, Lembaga Sumber Asli dan Alam Sekitar (NREB) serta Universiti Putra Malaysia (UPM) Kampus Bintulu.

Keindahan Taman Negara Similajau turut menarik tumpuan Sultan Selangor Sultan Sharafuddin Idris Shah, malah ketika melawat taman negara itu, Mac tahun lalu, baginda malah turut bertitah agar kepelbagaiannya spesies flora dan faunanya sentiasa dipulihara.



PROJEK BEACON mula dilaksanakan di Taman Negara Similajau, Bintulu sejak empat tahun lalu terbukti berkesan dalam usaha memulihara pelbagai hidupan maritim di kawasan berkenaan.



SETIAP tahun penyelam dihantar untuk memantau aktiviti di terumbu karang serta membuat sampah di kawasan projek BEACON.

